

Nº: 4-362

REFERENCIA: PR946A 97/51-0

SOLICITANTE: S.D. ESCOLA DE FUTBOL A CASELA

DOCUMENTO: PR946A.601

	
XUNTA DE GALICIA	
PRESIDENCIA	
Secretaría Xeral para o Deporte	
Entrada	
Salida	1423
Data	5 JUN. 1997

NOTIFICACIÓN DA RESOLUCIÓN

Notifícase que por Resolución de 4 de xuño de 1997 do Ilmo. Sr. Secretario Xeral para o Deporte, dada de conformidade coa Lei 10/1990 Xeral do deporte (B.O.E - 17-10-1990), e Ordes de 17 de Maio de 1983 (D.O.G.) de 3-6-83) e de 20 de Novembro de 1986 (D.O.G de 5-12-86), e demais normativa aplicable, ese Clube foi inscrito no Rexistro de Clubes, Federacións e Entidades Deportivas de Galicia, co nº. 5.455.

Así mesmo, e a tenor do establecido no artigo 9º da Orde de 17 de maio de 1983, deberán comunicar e solicita-la inscrición neste Rexistro, dos cambios e alteracións dese clube que se produzan con relación ós datos consignados (cambios na Xunta Directiva, cambio de denominación, modificación dos Estatutos, enderezos sociais, etc..).

Achégaselle, para constancia e arquivo na Secretaría dese Clube Deportivo, copia dos Estatutos sociais, Acta Fundacional, e relación da Xunta Directiva.

Santiago, 04 de xuño de 1997

SECCIÓN DE REXISTRO DE CLUBES E ASUNTOS XURIDICOS,



Asdo: Belarmino García Martínez

SR. PRESIDENTE S.D. ESCOLA DPVA. A CASELA

ESTATUTOS DA "SOCIEDADE DEPORTIVA ESCOLA DE FUTBOL A CASELA"

CAPITULO I

NORMAS XERAIS

ARTIGO 1º.- A SOCIEDADE DEPORTIVA ESCOLA DE FUTBOL A CASELA é unha Asociación privada con personalidade xurídica e capacidade de obrar, que ten como obxecto exclusivo o fomento e práctica da actividade física e deportiva, sen ánimo de lucro.

ARTIGO 2º.- A SOCIEDADE DEPORTIVA ESCOLA DE FUTBOL A CASELA practicará como principal modalidade deportiva a de Fútbol para o que se afiliará a Federación Galega de Fútbol que someterá estos Estatutos á aprobación da Secretaría Xeral para o Deporte da Xunta de Galicia.

A Xunta Directiva poderá acorda-la creación de novas seccións para a práctica doutras modalidades deportivas, debendo adscribirse ás correspondentes Federacións.

ARTIGO 3º.- A SOCIEDADE DEPORTIVA ESCOLA DE FUTBOL A CASELA someterase ó réxime do orzamento e patrimonio propio coas seguintes limitacións:

a).- Non poderá destina-los seus bens a fins industriais, comerciais, profesionais ou de servizo nin exercer actividades de igual carácter co fin de repartir beneficios entre os seus socios. Os seus ingresos aplicaranse íntegramente.

b).- Poderá fomentar manifestacións de carácter físico-deportivo dirixidas ó público en xeral, aplicando os beneficios obtidos ó desenvolvemento das actividades físicas e deportivas dos seus asociados.

c).- A SOCIEDADE DEPORTIVA ESCOLA DE FUTBOL A CASELA poderá gravar ou allear bens inmoables, tomar cartos a préstamo e emitir títulos transmisibles representativos da débeda ou parte alicuota patrimonial, sempre que cumpra cos seguintes requisitos:

1.- Que tales operacións sexan autorizadas por maioría de dous tercios dos socios presentes representados na Asamblea Xeral Extraordinaria.

2.- Que os referidos actos non comprometan de maneira irreversible o patriomnio da entidade ou actividade físico-deportiva que constitúa o seu obxecto social. Para a axeitada xustificación deste extremo poderase esixir, sempre que o solicite como mínimo o cinco por cento dos socios de número, o oportuno dictame económico-actuarial.

3.- Cando se trate de tomar cartos a préstamo en contía superior o 50% do orzamento anual ou que represente unha porcentaxe igual ó valor do patrimonio, así coma nos supostos de emisións da títulos, requerirá informe da Federación e aprobación da Secretaría Xeral para o Deporte da Xunta de Galicia.

ARTIGO 4º.- A SOCIEDADE DEPORTIVA ESCOLA DE FUTBOL A CASELA poderá recibir libremente doazóns que non excedan da cantidade de #500.000# pesetas. No suposto de doazóns que superen esta cantidade, será necesaria autorización expresa da Secretaría Xeral para o Deporte da Xunta de Galicia, previo informe da Federación correspondente.

ARTIGO 5º.- O domicilio social fíxase na rúa Vista Alegre, nº 16 da poboación de Bandeira, Concello de Silleda, provincia de Pontevedra; debendo, en caso de variación, dar conta á Secretaría Xeral para o Deporte da Xunta de Galicia.

CAPITULO II

CLASE DE SOCIOS, ADMISION, DEREITOS E OBLIGACIONES.

ARTIGO 6º.- O número de socios será ilimitado; a Xunta Directiva poderá suspender, sen embargo, a admisión de novos socios cando así o esixan razóns de aforo ou capacidade física das instalacións. Os socios poderán ser das seguintes clases: de número, honorarios, aspirantes e familiares.

ARTIGO 7º.- Son socios de número tódalas persoas maiores de idade, que satisfagan a cuota social establecida.

Os menores de 18 anos dun e doutro sexo hanse cualificar como socios aspirantes, tendo dereito ó uso das instalacións sociais mediante a cuota que fixe a Comisión Directiva, e pasarán automaticamente a ser socios de número ó cumpriren a maioría de idade.

Serán socios honorarios aquelas persoas ás que a Comisión Directiva confiara esta distinción e terán un posto de preferencia nos actos oficiais da sociedade.

Son socios familiares todas aquelas persoas que dependan económicamente dun socio de número e convivan con el no mesmo domicilio.

ARTIGO 8º.-

PRIMEIRO: Os socios de número terán os seguintes dereitos:

- a).- Contribuir ó cumprimento dos fins específicos da Asociación.
- b).- Esixir que a Asociación se axuste o disposto pola Secretaría Xeral para o Deporte da Xunta de Galicia, normas de desenvolvemento das mesmas e ó establecido no presente Estatuto.
- c).- Separarse libremente da Asociación.
- d).- Coñecer as actividades da Asociación e examinala súa documentación, previa petición razoada á Xunta Directiva.
- e).- Exponer libremente no seo da Asociación.
- f).- Ser elector e elexible para os órganos de representación e goberno da Asociación, sempre que teña plena capacidade de obrar.

SEGUNDO: Son obrigacións dos socios de número:

- a).- Abonar as cuotas que esixa a Xunta Directiva.
- b).- Contribuír ó sostenemento e difusión do deporte ou deportes da Sociedade.
- c).- Acatar cantas disposicións dicte a Asamblea Xeral, a Xunta Directiva ou os membros da mesma, para o bo goberno da Sociedade.

TERCEIRO: Os socios aspirantes terán dereito a disfrutar dos servizos e instalacións sociais da Asociación.

CUARTO: Os familiares dos socios de número terán dereito a disfrutar daqueles servizos e instalacións que se determinen, previo pagamento da cuota fixada.

ARTIGO 9º.- Para ser admitido como socio, en calquera das súas modalidades, será necesario:

- Ter a idade sinalada para cada unha delas.
- Solicitude por escrito dirixida á Xunta Directiva.
- Satisfacer a cuota de ingreso correspondente.

ARTIGO 10º.- A condición de socio pérdese:

- Por vontade propia.

- Por falta de pagamento das cuotas sociais durante tres meses consecutivos.

CAPITULO III

ORGANOS DE REPRESENTACION E GOBERNO.

ARTIGO 11º.- Son órganos de representación e goberno da **SOCIEDADE ESCOLA DE FUTBOL A CASELA** a Xunta Directiva e a Asamblea Xeral.

ARTIGO 12º.-

PRIMEIRO: A Xunta Directiva estará formada por un número de membros non inferior a cinco nin superior a vinte. O fronte dela haberá un Presidente e formarán parte da mesma un Secretario e un Tesoureiro.

SEGUNDO: O Presidente da Xunta Directiva e, no seu defecto, aqueles outros membros que determine a Xunta Directiva, ostentarán a representación legal da Asociación, actuarán no seu nome e estarán obrigados a executa-los acordos validamente adoptados pola Asamblea Xeral e a Xunta Directiva.

TERCEIRO: Corresponderán á Xunta Directiva as seguintes atribucións:

a).- Mante-la orde e a disciplina na Sociedade, así coma nas competicións que se organicen.

b).- Convocar, por medio do seu Presidente, a Asamblea Xeral cando o estime necesario, cumprindo os acordos e decisións da mesma.

c).- Sinala-las condicións e forma de admisión de novos socios, así como as cuotas de ingreso e periódicas que deban satisfacerse.

d).- Redactar e reforma-los Regulamentos de Réxime Interior, fixando as normas de uso das instalacións e as tarifas correspondentes.

e).- Nomea-las persoas que vaian dirixi-las distintas comisións que se crean, así como organiza-las actividades do Clube.

f).- Formular inventario e balance anual, así como redacta-la memoria anual da sociedade, en xeral, aplicar tódalas medidas deportivas, económicas e administrativas precisas para o fomento e desenvolvemento do deporte.

ARTIGO 13º.- A Xunta Directiva quedará validamente constituída en primeira convocatoria cando concorran a ela a maioría dos seus membros.

En segunda convocatoria será suficiente a concorrencia, polo menos, de tres dos seus membros, e, en todo caso, do/da Presidente/a ou Vicepresidente/a.

ARTIGO 14º.- A Xunta Directiva quedará tamén validamente constituída cando estean presentes tódolos seus membros, aínda que non se fixera convocatoria previa.

ARTIGO 15º.-

PRIMEIRO: O/A Tesoureiro/a da Xunta Directiva será o Depositario da Asociación, asinará os recibos, autorizará os pagamentos e levará os libros de contabilidade.

SEGUNDO: Será obrigación do tesoureiro formalizar, durante o primeiro mes de cada ano, un balance da situación e as contas de ingresos e gastos, que se poñerán en coñecemento de tódolos asociados.

ARTIGO 16º.- O/A Secretario/a da Xunta Directiva coidará do arquivo da documentación, redactará cantos documentos afecten á marcha da administrativa da Asociación e levará o Libro de Rexistro de Asociados e o Libro de Actas.

ARTIGO 17º.- A elección dos membros da Xunta Directiva hase efectuar por un período de catro anos, coincidindo con períodos Olímpicos.

ARTIGO 18º.-

PRIMEIRO: A Asemblea Xeral é o órgano supremo do goberno da Asociación e estará integrada por tódolos seus socios de número.

SEGUNDO: As Asembleas Xerais, tanto ordinarias coma extraordinarias, quedarán validamente constituídas na primeira convocatoria cando concorran nela, presentes ou representados, a maioría dos seus asociados. En segunda convocatoria, será suficiente a concorrencia dunha cuarta parte dos asociados. Entre a data da convocatoria e o día sinalado para a súa celebración haberá de mediar, cando menos, quince días naturais.

ARTIGO 19º.- A Asemblea Xeral será convocada polo Presidente a iniciativa propia ou a petición da Xunta Directiva ou do dez por cento, polo menos, de socios de número.

1.- A Asemblea Xeral reunirase con carácter ordinario, cando menos, unha vez ó ano para tratar das seguintes cuestións:

- a) Memoria, liquidación do orzamento, balance do exercicio, rendemento de contas, e aprobación, se procede.
- b) Orzamento para o exercicio seguinte.
- c) Proxectos e propostas da Directiva.
- d) Propositions que formulen os socios e que deberán ir asinadas polo quince por cento dos mesmos, como mínimo.
- e) Rogos e preguntas.

2.- Deberase celebrar Asemblea Xeral extraordinaria para a modificación dos Estatutos, elección da Xunta Directiva, tomar diñeiro a préstamo, emisión de títulos representativos de débeda ou parte alícuota patrimonial, alleamento de bens inmoables e fixación das cuotas dos socios.

CAPITULO IV

REXIME DOCUMENTAL.

ARTIGO 20º.- O réxime documental da Asociación constará dos seguintes libros: de Asociados, de Actas e de Contabilidade.

ARTIGO 21º.- No Libro de Rexistro de Asociados deberán consta-los nomes e apelidos dos socios de número, o seu Documento Nacional de Identidade, profesión e, no seu caso, os cargos de representación, goberno e administración que exerzan na Asociación. Tamén se especificarán as datas de alta e baixas e as de toma de posesión e cesamento nos cargos aludidos.

ARTIGO 22º.- Nos Libros de Actas hanse consigna-las xuntanzas que celebre a Asemblea Xeral e a Xunta Directiva, con expresión da data, asistentes, asuntos tratados e acordos adoptados. Asa actas serán asinadas, en todo caso, polo/a Presidente/a e o/a Secretario/a.

ARTIGO 23º.- Nos Libros de Contabilidade figurarán tanto o patrimonio coma os dereitos e obrigacións, ingresos e gastos da Asociación, debéndose precisa-la procedencia daqueles e o investimento ou destino destes.

CAPITULO V

SECCIONS DEPORTIVAS

ARTIGO 24º.- Cando a Xunta Directiva acorde a práctica dunha modalidade deportiva creará a Sección correspondente, que haberá de ser afiliada a Federación que proceda.

ARTIGO 25º.- Cada Sección Deportiva ocuparase de todo o relativo á práctica da modalidade deportiva correspondente, baixo a coordinación e superior dirección da Xunta Directiva.

CAPITULO VI

DA EMISION DE TITULOS DE DEBEDA OU PARTE ALICUOTA PATRIMONIAL.

ARTIGO 26º.- A SOCIEDADE DEPORTIVA ESCOLA DE FUTBOL A CASELA poderá emitir títulos de débeda ou de parte alicuota patrimonial. Os títulos seran nominativos.

ARTIGO 27º.-

PRIMEIRO: Os títulos inscribíranse nun libro que levará ó efecto a Asociación, no que se han de anota-las sucesivas transferencias.

SEGUNDO: En tódolos títulos constará o valor nominal, a data de emisión e, no seu caso, o interese e prazo de amortización.

ARTIGO 28º.- Os títulos de débeda só poderán subscribirse por parte dos asociados e a súa posesión non conferirá dereito ningún especial polos socios, agás a percepción dos intereses conformes á lexislación vixente.

ARTIGO 29º.- Os títulos de parte alicuota patrimonial serán así mesmo subscritos polos asociados.

En ningún caso estes títulos darán dereito á percepción de dividendos ou beneficios.

ARTIGO 30º.- Os títulos de débeda e parte alicuota patrimonial serán transferibles unicamente entre os que teñan a condición de socios.

CAPITULO VII


REFORMA DOS ESTATUTOS E DISOLUCION DA SOCIEDADE.

ARTIGO 31º.- Os presente Estatutos só poderán modificarse, reformarse ou derogarse por acordo da Asemblea Xeral Extraordinaria convocada ó efecto, mediante votación favorable dos socios de número asistentes.

A reforma destes Estatutos seguirá, con respecto ó Rexistro de Asociacións Deportivas, os mesmo trámites administrativos para a súa aprobación.

ARTIGO 32º.- A SOCIEDADE DEPORTIVA ESCOLA DE FUTBOL A CASELA extinguirase ou disolverase por acordo da Xunta Directiva, ratificado pola Asemblea Xeral Extraordinaria que se celebrará a tal fin, cun mínimo das súas terceiras partes dos socios de número asistentes.

ARTIGO 33º.- Disolta a SOCIEDADE DEPORTIVA ESCOLA DE FUTBOL A CASELA o remanente do seu patrimonio social, se o houbera, reverterá á colectividade, comunicándoselle tal disolución á Secretaría Xeral para o Deporte e á Federación Galega, que acordará o destino dos referidos bens para o fomento e desenvolvemento das actividades físico-deportivas.



A SOCIEDADE DEPORTIVA ESCOLA DE FUTBOL A CASELA, solicita xogar nas categorías seguintes:

- 1.- Benjamins. *1 Equipo*
- 2.- Alevines. *11*
- 3.- Infantiles. *11*
- 4.- Cadetes. *11*
- 5.- Juveniles. *11*

Dependentes desta Federación de Fútbol. Polo que, acompañanse autorizacións escritas do C.F. LAMELA e da S.D. BANDEIRA, de que autorizan ós equipos da SOCIEDADE DEPORTIVA ESCOLA DE FUTBOL A CASELA xogar nos seus respectivos campos de fútbol.

Así o asinan, en Bandeira, a 27 de Febreiro de 1.997.

O PRESIDENTE

A SECRETARIA

